

关圣阐道篇

关圣帝君降言

目 录

忠 义.....	3
仁 道.....	4
行孝报答双亲.....	5
性之真谛.....	7
交友之道.....	8
素位而行.....	9
敬天存孝.....	10
定禅生妙道.....	11
洞彻玄机参造化.....	12
明心见性.....	13
贫富之修.....	14
孝贵尽诚.....	14
淫恶之害.....	16
养生修性善于寡欲.....	16
交友宜慎.....	17
养廉知耻.....	18
修行劝世.....	19
念兹在兹明之行之.....	20
受辱不怨.....	21
大道性命之修为.....	22
心无住处.....	24
自求多福.....	24
观乎现代世.....	26
善 行.....	27
积德养廉敦善行.....	27
玄功不着相.....	28
诚知五伦五事.....	29

禅坐玄功.....	29
静泰虚灵自在.....	30
行善之报.....	31
有为无为之道.....	32
三教论分.....	32
修身齐家.....	33
先天性命悟祖 .....	34
明醒知修.....	35
参禅悟真.....	35
真道殊修同归.....	36
敬神之念.....	37
口过之罪.....	37
修身乐善逃五劫.....	38
坐禅宗旨体用.....	39
养廉与知耻.....	39
涅槃定慧好修为.....	40
三教一理论.....	41
论 义.....	43
修道关心动静时.....	45
性命安德以修.....	45
论修道.....	46
太极玄微能变化.....	47
修成圣果登上天.....	48
太和配合阴阳理.....	48
太和体用悟理.....	49
醒心学道不倦.....	50
敬奉祖先.....	51

## 关圣阐道篇

关圣帝君降言

诗曰：忠义由来劲节存。为人谨守众民尊。

能知涵养勤修悟。天地合心至善门。

圣示：吾述「忠义」一文，供地方善信贤德参悟之。

### 忠 义

天何以而常覆？地何以而常载？日月何以而常明？皆有道维持其间也。其道为何？曰忠义而已。夫忠者，天地之心，吾人之性也；义者，天地之宜，人事之则也。天地以之而运行，日月以之而昭明。人者，天地之所生也，以天为父，以地为母，卓然立于天地之间，安可不则天法地而以身任之乎，任之之道又如何？则亦曰立忠与义焉而已。夫忠义云者，其意虽不同，而相互联属，舍忠而言义，而义不彰，舍义而言忠，而忠亦隘，事虽二端，理则一致。所谓浩然之气，忠义之气也，直养无害，则塞于天地之间，忠义之气塞之也。

奈何今之世人，皆以欺罔为怀，诡诈为务，作事不循天理，行为不顺人心，反道败德，利欲居心。以之当轴，则误国欺君；以之临民，则敛财罔利；以之交友，则虞诈寡信。推之父子、夫妇、兄弟之间，亦以势利相尚，并无诚笃之心。嗟乎！道德之堕落已久矣，又遑言乎忠义哉！曷亦思人者，三才之一也，顶天立地者也，而行为若此，天安得而不坠，地安得而不倾哉，虽有诸列圣之精灵维持

其间，然世无忠义之士，亦其奈之何哉？呜呼！忠义之不讲也，已非朝夕之事矣。溯乎上古之世，共工作乱，颠倒五常，而不周天陷落；女娲修明人伦，炼忠、孝、节、义之气以补之；蚩尤作乱，以臣犯君，黄帝诛之；夏商之际，龙逢比干任之；春秋战国，孔孟当之；而至今日，洪水横流，大道不明，人伦灭绝，谁出而任之哉？可概也已。所望有志之士，以身任天下之重，道统之大，以吾忠义浩然行之，至大至刚，不屈不挠，身可杀而志不可夺，头可断而气不可馁，于以扫妖氛，拨云雾，复观尧天舜日

不难矣，望诸子共勉之

诗曰：良心仁德力身行。博学慎思审问明。

养性天人合一体。致知格物意诚荣。

圣示：吾以「仁道」题勉地方善信贤德参悟之。

## 仁道

仁之道为物之核心。仁字由二个人所合成，一个真人，一个假人；人之天性为真人，人身凡躯为假人。故能仁者，即能全其生命也，即尽为人之道也。

克己复礼为仁，一日克己复礼，天下归仁。夫仁者，己欲立而立人，己欲达而达人，仁者人也，仁远乎哉，我欲仁，斯仁至矣。无求生以害仁，有杀身以成仁，是以最能显现人之道德性。仁即是博爱，为事在人，取以人身，修身以道，修道以仁；中心安仁，安仁敦仁，皆求仁得仁。君子之于物也，爱之而弗仁，于民也，仁之

而弗亲，亲亲而仁民，仁民而爱物。是以仁为木德，属东方甲乙木，木德主生，生生不已，故大德曰生，天有好生之德，慈爱万物，故不杀生谓之仁。

仁者人心也，人之恻隐之心，仁之端也。存仁德之心，行仁德之事，则吉星佑之，灾厄免之，百老归天，即登圣域，而成圣人。如是反之，则为不仁，作麻木事，有不道德行为，贪图口腹，恣意杀生，喜听谗言，为恶多端。

仁者人之心德，心德者性灵的良知，良知就是天理，这天理乃人之元性。体天地好生之仁德，以恻隐为重，使人复还天地之公心公理。

诗曰：孝敬父母尽向前。为人子女理当然。

力行善道超先祖。自可无忧福禄绵。

圣示：吾提示「行孝报答双亲」，供地方善信贤德参悟之。

## 行孝报答双亲

夫人子之身，胡自来哉，孰非父母所生者乎？既生矣，孰非父母鞠育始能成人者乎？夫人子本无身，因有父母，而始有我身，以有我身故，反累父母之身，为我衰朽，至于老死而不知其苦乐也、升降也、何所归着也。为人子者，心安乎哉，而不思所以报之乎！

溯母氏十月怀胎，迄于生我，三年乳哺，襁褓提携，虑及痘疹，防其关煞，忧其疾病，父母之心，焦劳极矣，精力瘁矣，此境此情，人皆知之，无待赘言。独自成童之后，为父母者，又教诲

我，婚娶我，衣食我，基业谄谋我，处心积虑，百计轻营，触网罗而不顾，负罪咎而不恤，果何为哉？为子计也（论父母之恶孽，多因为子女营谋造成），乃一旦长辞人世，恶孽随身，阴狱受刑，夜台悲叹，轮回辗转，无有尽期。当此之时，试问，天下之为人子者有念及父母沉沦者乎？有知父母受苦而愿替代者乎？大概千万人中无一也。嗟乎！父母有子，累孰甚焉，不如无子之为愈也，为子者，苟见及也，回忆昊天罔极之恩，纵粉身碎骨，亦应报答而拯救之也。

然则将何以报乎？曰，是有术在；其术为何？曰，行大孝是也；行大孝若何？曰大善而已。夫一子行善，七祖超升，善有万端，在人择取，即善即孝，不必同也。故仁人孝子，诚欲拔父母于九幽，登诸快乐逍遥之境，则当为父母广行大善，生前之子职亏欠，而以身后补报之，举凡济人利物，阴鹭暗行，立德立功，慈祥普及，自然天心感格，惠及有生，善则归亲，理所应得。务令有德之父母，天爵由此而崇高；有过之父母，苦海由兹而脱离。父母之灵，宁不慰哉；人子之心，宁不快哉。果如是，善足以言报也，善愿天下为人子者，应择善而从，小孝、中孝、大孝各量力而为，斯不负报恩之法则。勉之！

诗曰：性原本体善皆然。旋转阴阳德不偏。

三毒清除情去染。精修真竦学前贤。

圣示：吾阐述「性之真谛」，供地方善信贤德参悟之。

## 性之真谛

性为圣人立言之中心，然性理至深，空处难辨为世人争辩之焦点，苟不得正传，均陷于五里云雾之中。性者，乃天地之大经，万物之大本，圣人立教之基础，人立身之真谛，故曰：在天为理，赋于人为性。又曰：天者万物统体之性，性为物物各具之天。性之因素最为神圣，最灵明，最坚贞，最朴素，最平等，最普遍，然又最不易捉摸者也。释曰佛，儒曰圣，道曰仙，回曰真宰，耶曰灵爽。人身为大气之化合物，无所知觉，无所主宰，全赖性之支配耳，其尽善尽美之性，一入气物凝聚人身，即为气体所拘，为物欲所蔽，变成气质物欲之稟性，失却本质之灵明。所以，佛教人见性，儒教人养性，道教人炼性。

性可分为理性、气性、质性：

**一、理性**—即先天性，不为天地所生，不为日月所长，超越天地，范围古今，大而弥漫六合，小而退藏于密，能主宰天地之生灭，能主宰一人之生死。知此性，可为佛、为圣、为仙；迷此性，则为人、为鬼、为畜。未生前，性居真境；既生后，性寓身中。性在曰

人，性去曰尸，见此性为佛，养此性为圣，炼此性为仙。

**二、气性**—为后天性，既有天地生长之后，该性寓于气天，为二十八宿之气所管。善者为善宿所管，生人亦善。恶者为恶宿所管，生人亦恶。人生随人而来，人死随人而去，虽脱肉身不脱气质，仍为气质所蔽，气质凝聚为人，性复囿于身，终难解脱。福兮祸所伏，祸兮福所依。所谓：福祸无门，惟人自招，善恶之报，如影随形，

其性可善可恶，性不自主，为气天之宿主之，明此性，广种善根，乃为贤哲。

**三、质性**一生身之后，方有此性，性所染之事物而成，覆性之色，为喜、怒、哀、惧、爱、恶、欲。习性之嗜好，以色染色，而起贪、爱、嗔、痴。人身一死，该性所造之善质业，交于气性，其随身而灭，用此性者，乃为庶人。

盖性虽分为三性，实则一性之变化，然性之原始为至善，一着人身，旋转于阴阳二气性之中，自流于偏，为阴阳二气所染，理性变为气性，虽有色，其色尚浅。本性至善，尚未全昧，可善可恶，为善则益明，为恶则益浊，如贪恋愈重，又变为习性，纯恶无善，业染愈厚，本性之昧愈深，以致为愚人、为牲畜，故性之关系大也，叹世人迷失已久矣。

诗曰：行方止正德为先。姊妹弟兄礼义连。

朋友洁廉宜善结。虎狼彪豹且辞缘。

圣示：吾述「交友之道」，供地方善信贤德参悟之。

## 交友之道

夫朋友者，五伦之一也，无友则孤陋寡闻，然交接之间，损益云泥之别，利害成败，身家性命系焉，故朋友不可无，交接不可不慎，往来以礼，交接以道。有云：朋友是五伦，信心须平等，凡属朋友，当知伦理之大义。奈世人多行险侥幸，见利忘义，口蜜腹剑，于中取利。语云：莫信直中直，须防仁不仁。故要取友必慎，

亲有德，远恶人，近恶者得祸，近善者得福，善人之交如兰蕙之香，一家栽之两家芳。恶人之交，若抱子登墙，一人失之，二人遭殃，是以君子心慎其所交也。

一个人若能亲近正端人士，自然德业精进，有过相规，有难相扶，益友自然受其益。若交荡佚之人，侥幸之辈，虽临深渊，不但不引就道，反而将之驱入深池，不仁不义，莫此为甚。无礼之言，无薄之行，熏莸不分，沾染最易，可不戒哉。故不视其人之素行，滥与之交往者，未有不受其欺而蒙其害，此不慎交之过也。故取友之道，必先观其平昔对于父母兄弟亲戚乡党之行为，略其迹，观其行，然后与之交往，庶不致为恶人所诱，未尝有奸险之辈，人皆以为好人也。慎之于前，勿失于后。俗谚云：如结劣伴，莫如孤立无友。愿诸君戒慎之！

诗曰：素位而行正德心。勉心乐道最堪钦。

匆匆岁月空流过。遗恨无成泪满襟。

圣示：又是一年(甲申年)春初，星霜屡易，吾以「素位而行」供地方善信贤德参悟之。

## 素位而行

浮生不过百年，岁月如流，有者处于安顺之境，有者处于困苦难挨之状，虽各有差异，则无须羡慕与哀叹，素位处于现境，随遇而安，淡薄名利，知命安然，何等豁达。

世事日迁，人情日乱，败德乱行，怵目惊心，人当知处世恭敬，正心而乐道，莫可光阴虚掷，岁月蹉跎，坚定道心，入室升堂，拨露珠明以寻正路，则无憾矣。

各本素位，励志修途，或内果或外功，正善而行，造福黎庶，同归正道，则幸甚矣。

诗曰：敬天尽孝抱心虔。无祸无灾理气然。

罔极慈恩思奉报。彝伦端正效前贤。

圣示：吾阐述「敬天存孝」之义，供地方善信贤德参悟之。

## 敬天存孝

易曰，干天也，称乎父；坤地也，称乎母。人居覆载之中，当念罔极之恩，无穷之德。天处高而听卑，日月即天之耳目；地低而载厚，鬼神即地之股肱；人无天地四季施予雨露风霜，万物不生，五谷不收。况乎人不敬天地，如子之不孝父母也。嗟哉末劫，刀兵肆虐，祸患荐臻，无知黎民，不敦五常，不敬三光(日、月、星)，不敬天地，只道天高无耳目，地厚无鬼神，殊不知身受横灾恶曜者，皆是丧德越伦之徒也，胡为乱行，触天之威，有乖天律，罪实难容也。

孝者，效也。能孝者，子孙效之；不能孝者，子孙背之；檐前滴水，半点无差。亲之养子也，十月怀胎，三年乳哺，朝夕怀抱，时刻提撕，及长，则送子入塾，弱冠则为子成婚，费尽千辛万苦，只望养老传宗。谁知未运，彝伦不敦，一旦娶妻，全无孝念，弃孺

慕而亲少艾，薄椿萱而厚妻孥，有乖天律，罪实不该。

为人者，当知敬天地，孝双亲，此乃最起码根本之道，否则有何颜立足于天地之间？明乎此，奉行而勉乎之！

诗曰：禅定去邪妙道生。无心明性念真诚。

法门了悟空无碍。彼岸菩提自可登。

圣示：吾阐述「定禅生妙道」，供地方善信贤德参悟之。

## 定禅生妙道

夫妄念、邪心不生，谓之禅；端坐明性，谓之定。明性者，养其自性，乃一个无生之心。禅定，虽车、马、雷电轰动，如如自在，不受外境所阻，坚定内念之真常，得此工夫，虽是凡人，即入菩提二果。何以故？众生如能受戒而入法门，即名解脱，亦名登觉彼岸，是以禅之理，专在定之功也。黄花翠竹，便是般若，此谛先明，三心便了，六根便净，五蕴便空，四相便除。

而妙道从何而修？妙道是从根本修来，「心」即是根本，心能生一切诸法，亦能灭一切诸法；心若不坚定，便失修道之根本。欲得净土，当净其心；随其心净，即佛土净。是以圣人修道，不求其佛，只调其心；愚人修道，只求其佛，不斋其心。凡初入法门，先识根本，遂此达理，方得解脱，才免空费工夫，以向外求。心向外求，虽经劫数，终不能成道，故内觉之观，一念之转，即证道果，道果之因子，是从禅定得来，若无定禅，任尔念破千卷经，亦难解脱，不过度众而已，多结香火缘，或修来生之福泽耳。

诗曰：性命穷参育化机。阴阳妙理炼无为。

尘缘不染心清静。体用能明悟坎离。

圣示：吾阐述「洞彻玄机参造化」，供地方善信贤德参悟之。

## 洞彻玄机参造化

性命之道，命在天而性在人，非天无以全性，非性无以全天。故体天之生物，而为性之仁；体天之育物，而为性之义。忘食面壁以观心，忘忧心斋而炼性。心不纷，而性自明；神不足，而性自澄。如此推之，素处以默，妙机其微，饮之太和，独鹤高飞，故凡修道炼性之人，使气质不废，而天赋之性随矣。是故，佛曰见性，道曰通神，儒曰精一，散为万殊，归为一本，只要洞彻阴阳，分明清浊，乃得性命修养之功，神性灵通，遍周法界。

性命之大，包罗万象，配合两仪，悟得玄妙之理，才是入道法门。所以，以定而静，由安而虑，由知而得，由明而新。本末、始终、表里、精粗，能得洞观缕晰，引神触类，庶几乎近于学道之大纲。

夫性者理也，在天为理，赋之于人为性，故名其性曰天性。气者命也，在天为气，受之于人为命，故名其命曰天命。性命之道，范围广大，性在人而命在天，性属阳而命属阴，命不离性，性不离命，理不离气，气不离理，故性命不离天人，天人不离理气，理气不离太虚，体天道之生物，赞天地之化育。

盖性之在人，不外于心，属有为也；命之在天，不外乎性，属

无为也。以无为之理，贯彻有为之功，欲修性命之学，必炼制心之法，失心不足以养性，无心更不足以谈命，是以心常存，则性命随于常也，盖性之不离中心者，则犹人之不离乎性也，如是，性理与心学得明，全归于极，惟合心及体用，常明而不昧，存心以养性，尽性以达天，乃修道立诚之功也。

诗曰：明心静养久丹成。见性炼修返玉京。

九窍虚无存一物。回光普照法圆清。

圣示：浅谈「明心见性」，供地方善信贤德参悟之。

## 明心见性

所谓：「七返丹还成仙，九转功成炼己。」其运用工夫，莫大乎于明心与见性，炼性与修心。当然这里头俱有其要谛，须寻找其关键，人身之内，即分俗心与道心，其性之间，即有硬性与软性的区别，要使九窍绝无一物，令三尸别无所济，然后真心生焉，驯性系焉，以驯性浑全道心，以真心益厚灵性，方得超凡入圣，道果圆融，白日飞升，上朝金阙。

若以火炼成顽铁，镕铸黄金，即表里精粗不到，全体大用难明，自性昏迷，浊气缠身，如心鲁莽，杂念着意，无济于事，枉费工夫，难得回向普照之妙法，返本还原之纲常，必也炼至抱中守一，二气全真，不入迷津，乃夺性命之功。佛偈云：「身是菩提树，心乃明镜台，时时勤打扫，莫使染尘埃。」又云：「菩提

本非树，明镜亦非台，本来无一物，何处染尘埃。」炼道者，要从此二偈，参透玄理，以明心性之法也。

诗曰：乐善修功志不同。布施积德在心中。

醒知明理勤持勉。不怠力行表寸衷。

圣示：吾以「贫富之修」供地方善信贤德参悟之。

## 贫富之修

天道循环，势如转毂，世上无三代之富贵，无三代之贫穷。今生之富贵者，乃前世多修阴功；今世之贫穷者，乃前生多作恶业。而富贵能继续行善，敦功积德，来生还可享福，封妻荫子；而贫穷能克苦修为，日积月累，来世依然荣华，家道富饶。如今大开普度之期，富贵所要行善者，如资助建庙，印赠经文善书，造桥铺路，济困助贫，施茶舍药等事。而贫穷则惜字、惜物、敬神、爱人、方便。无论富贵贫穷，依此修持，积土成山，积水成海，久久行之，必得善报，乐善之报，如影随形，上天鉴之甚明也。

诗曰：孝亲珍贵表丹诚。子职真心理气明。

宜养天年无懈怠。恩情知报福由生。

圣示：吾以「孝贵尽诚」为题，供地方善信贤德参悟之。

## 孝贵尽诚

为人子者，苟尽侍奉之职，遵孝道以养高堂，供薪水于晨昏，任荷薪于旦夕，不使黄耆，乏夫椒馨，毋令白发戴于道路，或适杖

履而出入，漫失扶持，或观朵颐而膳养，休罔察觉，因善奉暮年，而修弟子职者，非在外貌，只在实心也。世有如是之道，终鲜如是之人，谓养天年，而高年岂徒贪颐指之便，谓奉胡耆，而胡耆岂徒求口腹之需，古之人，由是推之，其精诣定胜一筹，于是言笃信，莫笃于定省，言谨守，莫谨于问安，盖奉几撰杖之余，适僎省配之下，趋跲奔走，事诚宜服也，旨酒嘉肴，老诚宜养也。昧乎是而忘之，虽笃信之贤，而徒借口养，以寒厥责，若云孝，未可之信也。

孝行之道，大矣哉。当生我劬劳，保抱提携，乃至长大成人，父母恩同天地，岂容置之茫然也，世虽有至愚，亦知松柏于岁寒，尤识桑榆之日暮，故为人子者，少须瞻依，知堂上之春秋，长则敬奉，知目前之精力，岂可半生游宦，徒扰功名，岂可聚处庭闱，徒养酒醴，知所报亲恩者只在诚，而父母不知所赖于子者，更有何物也，子之孝也。足益高年之岁月，子之不孝也，定损暮岁之精神，孝之道，历忆之若昨日，忽忘之在一朝，更要孺慕之衷，以慰亲心，以表微忱，切莫迨至杖履衰颓，徒奉肥甘，有何益哉！父母原不有所奢望，亦未尝所苛求，内念只望膝下，始终存思，更非贪其口腹，为人子，可不孝乎！

诗曰：淫恶之心万祸根。包天色胆德无存。

除消善愿森罗榜。永难翻身罪满门。

圣示：见今社会淫乱处处，罪恶弥漫，故以「淫恶之害」为题示警，供地方善信贤德参悟之。

## 淫恶之害

诸恶孽中，惟淫为最，盖淫念一萌，色胆包天，凑过邪缘，幻生妄想。设计引诱，生机械心；小有阻碍，生嗔恨心；忌人之有，生妒毒心；夺人之爱，生杀害心。种种恶业由此起，种种善愿由此消，森罗铁榜。淫为万恶首，奈世之溺于此者，动曰何伤，嗟乎！天下受何伤之毒者岂少也哉，五伦之中，有夫妇，然后有父子兄弟，淫人者，不独乱人夫妇之伦，上而父母、翁姑，中而丈夫、兄弟，下而子女、媳妇，一门中莫不耻悬眉额之间，痛缠心肠之内，无异挟白刃而刳人三世之腹，而犹谓何伤，吾谁欺，欺天乎，难逃鬼神诛责，尔其醒之。

诗曰：养生修性识玄机。色欲关头去避离。

逃劫延年堪得福。无边苦海适其宜。

圣示：吾以「养生修性善于寡欲」为题，供地方善信贤德参悟之。

## 养生修性善于寡欲

养生之道，非只色欲，即忧虑、忿怒、思烦、躁急，一切精神过度之事，皆是断丧之端。是以戒暴怒以养性，节饮食之固胃，慎风寒以祛病，劳筋骨以致强，如此常常实行，亦可延年益寿也。若夫妄想烦恼，养其心，苦其身，俱足以害精神。故贪求无厌者，则烦恼无己；私欲乱性者，则精神必亏。盖人之精神有限，岂可贪欲而自损其身乎！须知戒色节欲，固精神也。胡不见求名者，因好色欲而名必败；求利者，因好色欲而利必丧；居家者，因好色欲而家

业必荒；为官者，因好色欲而官阶必坠。可不戒哉！

修真可以逃劫，养生可以延年，然则养生之道者，在乎固守真精，勿泄元气，勿亏元神。至于丰衣美食，荡志伤神，亦非养生之术。必知粗衣淡饭，保全其真，才是修炼之方，以多思虑、多言笑、多视听，换为寡思虑、寡言笑、寡视听，保护调摄为先，药饵温补为后，舒畅精神。池栽君子之蓬，篱种凤尾之竹，园培破腊之梅，庭植万寿之菊，身隐泉石，不受尘嚣，有时焚香扫地，多敲木鱼，以养其性，留不坏之精神，以绵天运，天道之泰，自能恢复。日灵又中，月缺又圆，雨漏又晴，雷鸣又蛰，以介眉寿，以保高年，岂不美哉。

诗曰：结交朋友义为先。合德辅仁尽向前。

狗党狐群知戒慎。无灾无厄得安然。

圣示：有鉴于今日社会，败乱不堪，皆因交友不慎牵扯而来，故以「交友宜慎」为题，供地方善信贤德参悟之。

## 交友宜慎

世之朋友，列于五伦之中，昔时之豪杰秀士，重谊多情，结义订金兰之后，有胜于手足，患难相扶，富贵同享。而今末劫，道德废，五常焚，都是狂徒放荡之流，无赖鱼肉之辈，出入则酒家茶馆，往来则花街柳巷，无分昼夜，豪兴嬉游，畅谈中篝之事，惯说非礼之言，野蛮成性，绝无老成，狡诈轻佻，懒惰放肆，不知不觉走入邪僻之途，乐而忘返，只顾流连，是以人欲戒邪行，首必慎择

交游。尔雅秀士，必宜亲而近之，才得道德，培养后天，德业日进，狂荡子弟，必须疏而远之，自然匪行潜消也。宁远鱼肉之友，须结仁义之朋，君子之交淡如水，永敦馨气，小人之缔浓如蜜，难订心衷，应急当远之，以免将来株连致祸，以累身家也。

诗曰：养廉知耻正心扬。羞恶不为德可昌。

植节孤芳人敬仰。彝伦大道永清香。

圣示：吾以「养廉知耻」为题，供地方善信贤德参悟之。

## 养廉知耻

夫财无苟取者，廉也。孤芳植节，严于一介而弗瞻，握雪素心，虽是万钟而不顾。钱字从戈，杀人最惨，不义贪婪，家日富而心益劳，整躬高洁，囊日空而心益逸，大抵货财念重多为利欲熏心，世道浇漓，却馈悬鱼亦渺，人心不古，投钱饮马罕闻，当今斯世，贪墨玷洁，廉义尽灭，苛求无厌，所取过滥，未能清心寡欲，焉能革薄从今，锱铢计较，上下交征，有乖天律，罪实难容。

耻者，廉也，廉与耻大矣哉，羞恶之心，人皆有之，人至愚至贱，莫不各有耻之心，耻莫耻于罔修品德，废弛彝伦，夫妻反目，兄弟不睦，父子弗亲，朋友不信，长幼失序，人苟有耻，则虽可为之事，不致偶尔蹈之，此乃天赋之性，隐于中，发于不觉也。古之义士，素位而行，随缘自重，嗟夫末俗，鲜耻寡廉，女不耻其卖节，男不耻其失和，士子不耻其丧德，缙绅不耻其臭名，官吏不耻其贪污，商人不耻其昧良，违乖人道，罔敦纲常，宜当警心。

诗曰：青山绿水景如常。惟有幻躯不久长。

奉劝世人知了悟。一心精进到仙乡。

圣示：乙酉新春之初，喜见纷纷加入弘道委员、会员之行列，助道之宏扬，心堪慰也。兹述「修行劝世」短文供地方善信贤德参悟之。

## 修行劝世

红尘白浪两茫茫，忍辱柔和是妙方，到处随缘延岁月，终身安分度时光，休将自己心田昧，莫把他人过失扬，谨慎稳守无懊恼，耐烦做事好商量，常观硬弩弦先断，每见刚刀口易伤，惹祸皆从闲口舌，招灾多为热心肠，是非不必争你我，彼此何须论短长，世界本来称缺陷，此身那得不无常，吃些亏处原无害，让他几分有何妨，春天才看杨柳绿，秋风又见菊花黄，荣华总是三更梦，富贵还同九月霜，老病死生谁替得，酸甜苦辣自承当，人纵巧计夸伶俐，天自从容定主张，谄曲贪瞋真地狱，公平正直即天堂，麝因香重身先死，蚕为丝多命早亡，一剂养神平胃散，两钟和气二陈汤，生前枉费心千万，死后空持手一双，悲欢离合朝朝闹，寿夭穷通日日忙，休斗气胜莫争强，百年浑是戏文场，顷刻戏房锣鼓歇，不知何处是家乡。

诗曰：立基建庙道匡时。奉献输诚德可居。

尘世人生知把握。良机既夫恨无期。

圣示：自昊天玉诏下垓，诚惶诚恐，怕有负上天旨意，惟喜见诸委员、会员及地方善信大德，均能「念兹在兹，明之、行之」，输诚勉力，吾心稍堪慰也，盼能在大家合力下，顺利完成此一神圣的使命。

## 念兹在兹明之行之

云云尘凡，慈航处处，虽言庙宇最多，想奉献永志长铭的机会并不多，或因无缘知之，或因财力不允，或是愿力不足，或因不信神佛，或乃善心微弱等，错失了立善造功的大好因缘，岂不痛惜哉！就如同有些人一辈子都没有缘份修持，未曾见过一本善书，从未诵过一部经咒，总缺际会因缘。在尘凡浊地，随波浪荡，茫茫然无有所依，内心里无丝毫的慰藉，心灵虚空，懵懂过了一生，就因为如此，惟只在失落中受折磨，在无奈中受支配，不知醒觉，苦海难脱，浩劫沉沦，岂不哀伤！

人生只不过短短数十寒暑，生活要过，但想想满汉全席是一餐，青菜豆腐也是一餐，甚少见过真正被饿死之人，家财万贯，衣食也只需微薄，华夏千间，亦不过六尺之眠，一旦三寸气断，谁人带走半文钱。希盼有生之年，善行存心，时刻不忘，积德护身，方属真道，亦可免身后之憾！

现值三曹普度之际，不知正德正行，更待何时？以此勉之。

诗曰：大道之行继往来。著书立说理明开。

飞鸾阐教传真意。三界圣贤德义栽。

圣示：古来，大道之行，孔子继天立极，老子皆以天地之心为心，成为忠恕、感应、慈悲之楷模，而以至高无上之真理，引导世人入真、善、美的境界，而立道德世风，这就是儒、道、释同源的明证。

今日三期末运，现世人心不古，世道颓微，伦纪废弛，无以复加，此情此景，何可胜言。有幸 皇天不忍之心，好生之德，惻隐之情，而开利生之路，圣佛到处飞鸾，著书立说，醒化愚顽，挽转狂澜，使众生能藉假修真，一心一德，而求性命双修之果。

诗曰：受辱不争第一功。心头去怨自从容。

无瞋无恨无私念。处世君子大将风。

圣示：「受辱不怨」是学道修身第一要义。

## 受辱不怨

受辱者，欺凌怒骂，无端加诸于我也；不怨者，无一毫瞋恨心愠怒色也。当以「我果为长江大海，何患横流污秽不能容纳；我果为洪炉大冶，何患顽金钝铁不能陶镕？」自许之。或抱持，有人来打我，让他打一顿；有人来骂我，让他骂一阵；忍打不还手，恶手自莫劲；忍骂不还口，恶口自干净。

倘人以辱来，我以怨往，势必以小忿而酿大祸，亡身及亲，倾家破产，皆于此基之也，在不能受辱者，必谓横逆辱我，系无礼小人，既说彼是小人，我即当以君子自待，若与之计较，我与彼恰凑成一对，则世上又多了一小人矣。

是以君子处世，务求忍人所不能忍，容人所不能容，纵辱我者，令我万分难处，亦当涵容顺受，则人心广大，天神喜悦，自然辱转为宠，怨转为恩，不惟养己之恢宏大度，并化人之凶暴横行，必如此存心，方是大福德器量之人也。

又诗：时光流转快如飞。岁月无停日日催。

圣务存心常谨记。愿期协力促成归。

又示：时光不停的流逝，奉旨建庙迨今近年半矣，责任艰巨，盼诸委员、会员、诸贤生及地方善信人等，莫可或忘，神人多积极用心，排除万难促成之，功果乃大也。

诗曰：大道无为性命修。成仙成圣显堪酬。

其中妙有群生宰。正理全彰万殊周。

圣示：吾以「大道性命之修为」为题，供地方善信贤德参悟之。

## 大道性命之修为

无中之妙有者，空不异色，空则是色也。色空有无原一，世人自分别也，圣贤当行平等智，不分别相。阴阳未判，二仪未分，三才未立，有啥你我，原来皆是一理，空在色中，世人难见，见色不异，妙理全彰。色可色非常色，空可空非真空，总归太虚空。道无万殊，则不能显；万殊无道，则不能生。是以三教圣人，不见有色有空，色空有无双泯，如如常自然，空不空，无中之妙有，光明洞耀周遍沙界，竖穹三界，无所不有，无所不在，无所不包，横亘十方，弥纶天地，包罗万象，其大无外，近之不见其首，其小无内，

随之不见其尾，钻之弥坚，退藏于密，瞻之在前，忽焉在后，无形、无名、无边、无际，无中之妙有，真空实相，虚空大道也。

而造诣有清净法身，圆满法身，千百亿化身之分；清静法身者，充实而有光辉，能照见五蕴皆空，乃大人造诣之境也。圆满报身者，念念自性自见，回假返真，大而化，所欲不踰矩之圣人造诣之境也。千百亿化身者，有圣而不可知深行，神人能变千百亿烦恼，代为千百亿菩提造诣之境也。本于至静不动天之度，能自见实性有三身，分清、别浊、阐明，尽人合天之道。

所谓尽人合天者，尽人性以合天理也。何谓先天理天？生天者是；何谓后天象天？天生者是。生天者理也，至静不动天也；天生者象也，经星纬星天也。理天、象天、先天、后天之间，一气流行者宗动气天也，顽心象也，上应经星纬星天，有象可见之心。纵情逐物万事扰之，有生死限之也，人心气也。上应宗动天，此变有常之天，允执天人之中，致中和之修而造此者谓之贤关，贤人精进求道之关也。道心理也，上应不动天，此生天生地常而不变之天，造此者谓之圣域。儒曰：大成至圣。释曰：无上正等正觉。道曰：大罗金仙。三教归一者，归于理也，此理在天为天理，在人为性理。释曰佛性，故曰万物皆有佛性，物物各具一天，人人各具一理也。所谓天命之谓性，率性之谓道，人性天命也，率性乃尽人性以合天命也，乃天人合一也。

诗曰：心无住处是禅心。定静安然道义深。

六欲全除三毒尽。命基永固性根临。

圣示：吾以「心无住处」为题，供地方善信贤德参悟之。

## 心无住处

心之无住处者，不罣碍万物一切，不住着善恶，有无阴阳、内外、天地，造化之中，不住空、亦不住不空，不住干、亦不住于坤，不住坎、亦不住于离，不住于一切处。这个不住一切处，则是无住着之心；无住着之心，便是禅心，便是佛心，便是道心，便是圣贤菩萨之心。其心非青非赤，不长不短，非垢非净，不生不灭，自然而然，六欲全无，三毒俱灭，任万物之所淆，其外相不能潜入。所谓心不住着，定而能静之意，命基永固，性根自在，到如此，神通道窍，入玄达灵，二六时中，将灵台之上，打扫干净，当即此意也。

诗曰：自求多福福堪临。善事常行报好音。

天道公平明护佑。无灾无厄祸无侵。

## 自求多福

福自天申，禄由天锡，天道既佑于上，福禄自随其身矣。人修一分德，便造一分福；人积一分功，便增一分禄。谚曰：无功不受禄是也，人生福禄，生来注定，想要转移，除非积善无涯。世人未能修德以造福，积功以增禄，安望百福骈臻，百禄是荷，人果能德大功高，不惟人间洪福可以随缘享受，即天上万劫长存之清福，亦可不邀而来，不惟人间厚禄可以随地注添，即天上六甲行厨之仙禄，亦可不干而至。天然福禄，重迭倍加，外无由推诿于人，内无

由脱卸于己，其自然毕集者，真不啻形影之相随也，此岂寻常福果，尘世禄籍所可较量其万一哉！

人间难得者福神，天上易削者禄星。执拗之人，德已薄，其福必轻；圆融之人，功易累，其禄必厚。即一切圣、贤、仙、佛，皆以功德高下，卜清福仙禄之长久，故德大功高者，自然福禄无穷。

诗曰：隐微心物见机芳。慎独工夫宜守防。

天理假真由此造。德凝至道得康庄。

圣示：吾阐述「心物隐微之理」，供地方善信贤德参悟之。

### 心物隐微之理

夫隐微者，心物欲动未动幽暗之间，见其显现者，意念之心发于外也。故人可善、可恶，万法唯此心所造。一念善，一念恶，莫不波动外现，天地鬼神悉皆共鉴。所以修性者，宜戒涵养本源至真，护持正念于心，念欲动未动之中，所惧者，心念动，善恶不得自主，恐失权衡，所以君子须有戒慎恐惧之修也，赞叹圣人所以为圣者，钦其初步工夫，「立志于隐念」为入德法门，而后修其至德，以凝至道，其化民教民，大仁大悲，功同天地，显现天地两间。

君子慎其独者，乃慎隐隐微微心念之隐微也，言戒睹闻者，是由动至静，君子必常存敬畏，以施存养之功，隐微慎独，由静而动，护念人心之失，尤当警惕！慨人心之失，多在于动，是由静至动之时，正视天理人欲之分。尤当慎其独，存天理于未动将动隐微之中，必须诚于中，形于外，故君子慎其独也。

诗曰：又是一年岁末时。能知思省适其宜。

人生迷幻空遗憾。圣道研参利莫疑。

圣示：夫至尊者道，至贵者德，至难得者人身，人之至难得者道与德也。

## 观乎现代世

道衰微，人欲横流，道德沦亡，追其假，而忘其真，你争我斗，几近陷入整体人类毁灭的边缘，而不知悬崖勒马，可不危哉！值此岁末之际，兹词与之共勉：

人身太和，性命大孝天道，愿体德教，天理良心本是性。  
道在伦常，日日行心清静，自性中和，性命安而得逍遥。  
行诸善事，应识德行是本，道行是根，体用尽善有余庆。  
遵规守矩，行乎中庸之道，大学之门，为修身之大本应。  
正值清廉，尘劳毫无染着，一视同仁，从容中道得为圣。  
学贯天人，至诚笃实磋磨，豁然贯通，大体性灵之安乐。  
匡扶圣教，循理行乎正轨，孝悌之德，仁义礼智信之正。  
明伦识礼，立己而后达人，修持道德，齐家治国人受敬。  
圣门金丹，养浩然之正气，诚心诚意，藉假身而修真性。

诗曰：乐善人生义德和。争营辛苦奈如何。

三餐温饱常思道。自在逍遥尚可歌。

圣示：吾以「善行」示勉，供地方善信贤德参悟之。

## 善 行

人生尘世间，光阴如箭速，贫者日谋生，毕竟为口腹，富者日持筹，难填满欲壑，贫富争生存，苦而不得乐，三期道德衰，益见强欺弱，片善不肯为，所作皆是恶。劝以信因果，反之受侮辱；劝以信真常，反之受辩驳；多行伤天心，难怪刀兵作；多行违圣箴，难怪瘟疫虐。在此浩劫临，急醒崇天爵，见善力勤修，差免归地狱，神明操权衡，半点不错落，行善乎众生，便是眼前福。

诗曰：法身积德善敦行。智慧丛生万理明。

仙佛千缘修内外。心如明月造丹精。

圣示：阐述：「积德养廉敦善行」，供地方善信贤德参悟之。

## 积德养廉敦善行

法身者，从无量功德智慧生，何以故？布施能生万缘，造丹能生万法，人无慈悲心，焉有仙佛骨。故偏执内果之宏，而无外功之实，难登宝地；偏重外功之宏，而无内果之实，难入大罗，必然之理也。内外兼修，五蕴皆空，一尘不染，心如明月，故心经云：色即是空，空即是色，即色即空，即凡即圣。云何是色、空？凡圣心有染即色，心无染即空；心有染即凡，心无染即圣。是以欲证道之人，即悟到真空妙有，故即色，色不可得，故即空，是色性自空，非色灭空，是空性自色，非色能色。夫执中有权通变，共仰神圣之莫测，用中有本敷施，咸遵建极之无偏，三期修炼弟子，但愿积德养廉，广开大道，引导群迷，真根不坏，匪人当防，免遭天谴，

精益求精，时常参悟，直待功成，丹书下诏，飞升紫庭。

又示：玉阙又颁下建庙功奖条文，承膺大任，诚惶诚恐，怕有辱天命。盼诸贤生、委员、会员及地方有德善心人士，能再接再厉，神人合一，共襄盛举，或出钱或出力，积极完成之，功证玉京，锡福锡禄，后福绵长。

诗曰：玄功着相失根基。精一而行莫迟疑。

实实虚虚空内外。存心养性道堪依。

圣示：吾以「玄功不着相」为题，供地方善信贤德参悟之。

## 玄功不着相

参禅妙谛，不外精一，定而后能静，静而后能安，安而后能虑，虑而后能得，则近其道入室升堂。然不执人我，不着形象，不落有无边界，不杂虚实幻境，落于人我有无则着相，杂于形象虚实则空，着相着空，皆非性命修养之道，不着相，不着空，才是洪范五行之理。惟见于空，观空亦空，空无所空，乃至真空，到不空不相之天，至无始无终之地，故养无论大小，无论内外也。佛曰；明心见性，道曰；修心炼性，儒曰；存心养性。如此先天虚无之气，则有所养，全在方寸握准之功，譬如身中之日月，身中之天地，分有阴阳，分有坎离，守运有常，升降有兆。是以修天地人三才之道，炼精气神三宝之丹，皆从先天之炁运用，严守两忘之玄功始。

诗曰：五伦五事贵诚知。尽性而修适道宜。

造化玄机参化育。阴阳全命愿堪期。

圣示：吾以「诚知五伦五事」，提供地方善信贤德参悟之。

## 诚知五伦五事

人当至诚才能尽性，面壁方能全命。其性得自天者，其气清无纤翳；其命修自天者，其质厚无驳杂。凡人欲炼性命之道，由诚进核，递推合验，始万物终万物，均由一诚之主宰，从太极至无极，俱从一诚之运用，是故诚能参造化玄机，诚能通天地鬼神，况乎不可测度之阴阳，大丹炼成纯阳无阴之宝物，若非先从诚字下手，难得造物之力，干道变化，各正性命，保合太和，乃利贞，如此推之，诚如五伦要尽，诚如五事要全。五伦者，则君臣父子悉具仁，敬孝慈之则；五事者，则视听貌言贯乎肃，又哲谋之良。君子体仁，足以长人；嘉会，足以合体；利物，足以和义；贞固，足以干事。当此三期，万邪齐兴，左道迭出，修道之人，一味盲炼有形，不解防危虑险，万有皆空，终难得到正等正觉。期愿人人归善道。丰功硕果证天京。

诗曰：八风不动道惟危。禅坐安良默守规。

心绪归空无意念。寸衷玄妙静明推。

圣示：吾以「禅坐玄功」，供地方善信贤德参悟之。

## 禅坐玄功

经云：「若以色见我，以音声求我，是人行邪道，不能见如来。」

诗云：无为大道在观空。不是枯禅见鬼童。

若得明师观点破。诸形去象结玲珑。

是以要炼无生之功，总在坐之一字，坐之一字，妙在能定、能静、能安、能虑、不懈怠、不妄想、不固执、不着相，顺其造化旋转，祇凭声臭弥纶，由道返气，由阴纯阳，久久行之，一心已澄观听之源，寸衷已贯玄妙之机。精其识，于莫见莫显；养其功，于不睹不闻。所谓天地造化，山川、草木、昆虫、鸟兽、日月、阴阳、星辰、雨露，皆得观空，空亦空，空无所空，无无亦无，无无即无之旨，故佛云禅，云何为定？妄念不生为禅，坐见本性为定。本性者，是汝无生心，定者对镜无心，八风不能动，八风者，利、衰、毁、誉、称、讥、苦、乐是也，若得如是定者，虽是凡夫即入佛位。

诗曰：静泰清虚寡欲参。心明止水道包涵。

白莲智慧金波断。自性灵通月照龛。

圣示：吾以「静泰虚灵自在」为题，供地方善信贤德参悟之。

## 静泰虚灵自在

夫修性以保神，安心以全身，爱憎不栖于情，忧喜不留于意，泊然无感，体气和平，导善得理，以尽性命，少私寡欲，清虚泰静，故面壁之功，参禅之旨，不离乎虚寂，虚要至灵之觉，寂要至静之极。致虚极，守静笃，万物并作，以观其复，可知修道者，得意不喜，失意不忧，忘欢而后乐足，遗生而后身存，时时灵窍镇定，明如止水，不为物欲所蔽，尘累所缚，真假得分，大丹方得修

成，智慧开如白莲，情缘断如金波，妄念不起，疑惑亦无，一行一步入于虚寂，自性渐明，玄机洞彻，神水充足，灵苗自生，华池清洁，心花开放，大道旋转造化之中，阴阳变化坎之际，恍惚心无其心，形无其形，物无其物，大观自在，快乐逍遥，如九转大丹凝结于虚空，高挂一轮明月于大千世界。

诗曰：行善到头报必昌。尽心尽力德堪扬。

至公天理无分别。福禄并臻寿益康。

圣示：吾浅述「行善之报」，供地方善信贤德参悟之。

## 行善之报

在寰宇间，常有行善之人，偏多坎坷，运势欠佳，或子孙早夭，或父母带疾，或自己破财，或有灾厄临身危、，则必责怪天地鬼神不慈，不锡我以福，反报我以祸，则曰：「作善无报。」此皆不明大道，以致如是。

凡人行善，屡受魔考，所谋诸事不如意，乃牵扯到己身累劫业障未除，祖宗余凶未尽，待业除凶尽必昌也，焉有不报之理，况且行善可弭人罪愆，世人不可受些许的刺激，则放弃行善，那不就更加沉重吗？天道循环，犹如转毂，不差毫厘。如古昔贤德之人，皆乐善好施，见义勇为，流芳万世。无意埋蛇，更显厚爵，历历可考。何谓无报，只是来早来迟而已。劝尔世人坚定意志，弥励前程，天自锡尔福禄，洵不谬也。

诗曰：大道无形至理存。阴阳旋转道渊源。

世人依法勤修炼。白日飞升上帝阙。

圣示：吾以「有为无为之道」，供地方善信贤德参悟之。

## 有为无为之道

夫先天大道，无形无象，无始无终，无声无臭，只知阳气上浮为天，阴气下凝为地，乃属道教无为之法。至于释教修无念，不无念为证；修真空，不以真空为证，此亦无为之法。有为者，有形有象，有始有终，居其声臭，妄谈内外，不知借假成真，不识还原返本，自立门户，此虽非大道无形，旋转阴阳之法，若不用左道邪宗，勤修硬炼，亦归地仙。释迦佛祖当初在雪山运用禅功，菩提树下圆通正觉，终入涅槃，此虽无为，实属有为，是一切法之大纲，万世之法祖，是故有为无为，俱可成道，只要修炼弟子不为内魔所扰，外邪所侵，从人心变成道心，从有为炼至无为，何患道之不能成乎。

诗曰：圣人三教体天行。大费婆心度残灵。

今运末期勤普度。齐归道境道明清。

圣示：吾阐述「三教论分」，供地方善信贤德参悟之。

## 三教论分

何谓「三教」？指的是道、释、儒是也：即太上老君、释迦佛祖、至圣先师，其道虽分门别户，而宗旨合一。孔子之绝四，释迦之空五，道祖之抱一；又释迦之救苦，道祖之济世，孔子之仁

民，括囊妙谛，则利人也、修己也、出世也。堪嗤末运修道之徒，空持我见，盖以名分，不察其实，抑以形分，不按其理，尔执我教之恃长，我谤尔教之瑕疵，胡不思三教圣人体天行道，大费婆心，为度残灵，力排万难，处三期普度之今日，如有迂阔、拘墟、强分彼此，在儒家则认为杨墨，道家则认为方士，释家则认为妖僧，永坠恶道不能超升，劝尔修真弟子，宜缄口知猛省而戒也。

诗曰：处世修身第一先。齐家自可得安然。

能知持正心无碍。立德敦行志益坚。

圣示：吾以「修身齐家」为题，供地方善信贤德参悟之。

## 修身齐家

欲齐其家者，先修其身；欲修其身者，先正其心；心不正则身不修，则家不齐。抱正己化人之心，觉世牖民之愿，懿行持于方寸，嘉言表于两间，入则孝，出则悌，无愧心，梓里咸钦，品诣楷模，卓然千古矣。

嗟乎！末世伦纪日衰，兴谟日废，敦行立身之士者少，伤天灭理之人者多，兄弟阋墙启衅，父子相戕生灾，夫妇反目，妯娌失和，丑行外扬，伦道乖张。此皆不能修身齐家之所致也，劝尔世人，贫者安分守己，富者忧寡矜孤，士要义方，农存法则，工精利器，商秉至公，自得上天消灾锡福，光前裕后，深体斯语，何患乎不能克绍箕裘也。

诗曰：先天性命道修真。祖炁弥纶造化珍。

能悟其中诸义理。运行旋转日明新。

圣示：吾以「先天性命悟祖」为题，供地方善信贤德参悟之。

## 先天性命悟祖炁

修真之道，上古圣人其述也穷矣，始终在于修养先天之祖炁而已。先天之炁，弥纶造化，声臭不居，视之不见，听之不闻，恍恍惚惚，杳杳冥冥，无可形容，强以圆图之。儒曰：太极。道曰：金丹。释曰：正觉。散为万殊，归为一本，包罗天地，生育万物，胎卵湿化、昆虫草木、仙鬼人凡、帝王佛圣，俱在壳中运行旋转，尘世盲修瞎炼之徒，不识虚灵之炁为何物？或说尾闾，或云血海，或言黄庭，或谓丹田，争辩不一，各执所见，既难了悟，迷昧真常。

夫先天之炁，在乎虚无缥缈之际；后天之气，在乎呼吸有无之间。故采药炼药，还丹成丹，结胎脱胎，得道了道。以有形，终而无形；以有为，终而无为。是以，善养浩然，历劫不坏，不归仙道，亦得长生。

岁月匆匆易过年。知修精进尽心虔。

诸生功德天上记。后福绵绵道益坚。

诗曰：明醒知修最可珍。醉生梦死害人身。

原灵解脱归真道。自必逍遥得好因。

圣示：新春之初，吾以「明醒知修」，供地方善信贤德参悟之。

## 明醒知修

三期残灵，虽有少数世人知修道造功，其余唯造恶业，醉生梦死，皆由清静本心被三毒无明所侵，不明因果，是人先世罪业，故坠恶道，于今日得发心求道，把无明灭尽，三毒不生，本心明朗，先世罪业，即为消灭，自然解脱，故云当得菩提。因果经云，欲知前世因，今生受者是。是以善恶初谛，一切由于心造。方寸一转念于善，即登觉路；方寸一转念于恶，即坠三途。世人在此末法，邪魔混世，八德沉沦，最易染诸恶业，迷昧本心，男女檀樾，不论在家修，早晚能持一个戒行，临终之时，自得真光普照，同圆种智。

诗曰：气平心正悟真常。脱俗超凡万物空。

返朴归醇求出世。禅参天地必神通。

圣示：吾以「参禅悟真」为题，供地方善信贤德参悟之。

## 参禅悟真

禅定必神通与天地合一，能全其性命也，故顺乎天道所行，则超生脱俗之理；顺乎人道所趋，则养形入世之法。炼道者心不为物累而常正，气不为物累而常平，心正、气平、性全、命固，是以天地一大乾坤，人身一小乾坤，以人身之后天，合造化之先天，阴极生阳，真常永悟，渐入三花聚顶，五气朝元，即所谓真佛无形，真性无体，真法无相之妙机体用，玄功灵蕴，所以圣人藏神天天，付之无心，无心不是观空则空，乃悟真空。于是太极之理浑全，万物之生有本，故参造化者，性命之极；悟阴阳者，道德之原。欲明道

而不明乾坤，欲学禅而不学道德，则所谓性命者非性命，所谓阴阳者非阴阳，而欲结圣胎与天地同长久，未之闻也。

诗曰：圣贤顽梗媿修为。至道浑同正勉归。

励志殊途联一体。功成天地发光辉。

圣示：吾以「真道殊修同归」为题，供地方善信贤德参悟之。

## 真道殊修同归

所谓：「天尊地卑，乾坤定天。」卑高以陈，贵贱位矣；动静有常，刚柔断矣；方以类聚，物以群分，吉凶生矣；在天成象，在地成形，变化见矣。

故道之大也，可以柔，可以刚，可以阴，可以阳，可以包罗万象，可以弥纶太虚，可以格物穷理，可以旋乾转坤。丹道之所难得者，行柔到刚，炼阴生阳，罗其万象，而至太虚，穷其物理，以转乾坤，情性相孚，铅汞归于中土，玄机洞彻，精气悟其全神，先天之祖炁，无理不具，无时不在，一切后天识神用事，俱皆删除。要自然而然，把一个顽心修至清静自在，不受外境所摇，声色所动。白雪之真水，化而沈浮，万物生机，黄芽之真气，镕而来复，诸邪辟正，静中有动，阴内凝阳，然后安炉立鼎，用文火以温养，内丹将成之时，则智慧开始，紫霞高飞于鼎上矣。

诗曰：敬神之念不斜偏。福禄无求降自然。

诚挚立心居正德。造功洁意道绵绵。

圣示：吾以「敬神之念」，供地方善信贤德参悟之。

## 敬神之念

中土众生，凡聪明、正直、敦守八德者，上天皆以神权授之。夫神道设教，主司善恶，不爽毫厘，今之寺庙、岳渎、郊坛、庵堂、祠院，其所塑之神像者，无非欲使地方宗教昌隆，声灵赫濯，瞻望者，肃然起敬而已，凡人多结香火因缘则可，若以祷告祈福降财则谬，神岂为人所愚哉！

世人若能澹吾虑，肃吾身，洁吾念，濯吾肺，敬其心，以敬神，而不求福而福自邀。总之，敬神之道有二，上士与中士，存心正大，立功洁意已深，斯人也，虽未入庙，已得敬神之道。至若小人，中藏大慝，每到朔望日，杀牲灵以求侥幸，神将即曰：尔又来乎！吾正索尔勿谄我，尔虽敬我，我加尔锁归。

诗曰：口过是非罪孽多。良心有愧奈如何。

不知收敛期安份。后果堪忧受苦劳。

圣示：吾以「口过之罪」为题，供地方善信贤德参悟之。

## 口过之罪

口过之孽，属在无心，无心之失，当以有心制之，毋病己，毋过刚，勿苟安，勿昵就。言者，心声也，心正则声自正，心邪则声皆邪，有等巧言狂徒，口如雌黄，一启口便损人名节，坏人家风，人生所厌闻之事，侃侃而谈，所未忍闻之言，娓娓而语，不论师生在座，祖孙在堂，中冓之言，狂风且暴，有关风纪，有乖伦常，大

演特演，曲形备至。

呜呼！利口悬河，自惹罪魁，为造口孽，累子孙灾祸者有之，倾家荡产者有之，古之人，出言慎于渊蠡，纳言等于忘象，非正道不敢言，非懿行不敢说，守口如瓶，道德克敦，劝尔士民，当效金人三缄其口，自圭三复之箴，免致害人，刺角弓兴离散也，而且，死后受抽筋割舌之报，警醒之！

诗曰：在世人生五劫存。勤修乐道自堪教。

要知立善心无愧。炼就金丹极乐门。

圣示：吾以「修身乐善逃五劫」为题，供地方善信贤德参悟之。

## 修身乐善逃五劫

天有三宝，日、月、星；地有三宝，水、火、风；人有五劫，生、老、病、死、苦也。

夫人生于世，其性本善，万物之灵，或为圣贤豪杰，或为贫贱寿夭，莫不贪生而怕死，生，一劫也；莽莽乾坤，困厄人世，为生活而奔驰，为家计而争斗，光阴如驶，转眼白头，老，又一劫也；精神萎靡，扶杖始能行，眼花齿落，血气衰微，药不能补，气息恹恹，病，又一劫也；大限已到，妻子分离，高楼厚产，留与他人执掌，死，又一劫也。在世若能修身乐善还可，如若作恶多端，有亏心地，死受恶报，魂入阴司，啾啾啼啼，苦，又一劫也。

劝尔世人趁此三期普度，大道宏开，急求明师指引，修炼道德金丹。

功成果满同登极乐逃脱五劫，历劫不坏，岂不美哉。

诗曰：坐禅无念法为宗。不起妄心旨必融。

清静安和知奋进。自能超脱乐其中。

圣示：吾以「坐禅宗旨体用」为题，供地方善信贤德参悟之。

## 坐禅宗旨体用

夫坐禅之法，无念为宗，妄心不起为旨；以清静为体，般若为用。无念即是绝邪念，起正念；邪念乃念有念无，正念即不念有无。欲绝邪念，谈何容易？三期普度，修道弟子多为「名、利、恩、爱、酒、色、财、气」，八大魔王所缚，方寸不能握准，霎时间转善为恶，复转无为有，若非大根器，不能止住苦乐生灭，以及爱亲憎怨，此则坐禅之大毛病也。

既知无念谓正念，得止住这个有念，便生菩提之念，菩提乃假立之名，不可形容，无声无臭，大观自在，可说在尘出尘，万事方便，对一切相一视同仁，无二无别，坐禅之要谛，得无念时，自能超脱。

诗曰：养廉知耻德为先。诚正无非抱义虔。

人品不亏堪作范。流馨万世道明坚。

圣示：吾以「养廉与知耻」为题，供地方善信贤德参悟之。

## 养廉与知耻

夫财无苟取者，廉也，孤芳植节，严于一介而弗瞻，握雪素

心，虽是万钟而不顾。钱字从戈，杀人最惨，不义贪婪，家日富而心益劳；整躬高洁，囊日空而心益逸。大抵货财念重，多为私欲熏心，世道浇漓，却馈悬鱼亦渺，人心不古，投钱饮马罕闻。当今斯世，贪墨玷洁，廉义丧尽，苛求无厌，所取过滥，未能清心寡欲，焉能革薄从今，锱铢计较，上下交征，有乖天律，违逆人道，罪实难容。耻者廉也，廉与耻，大矣哉！羞恶之心，人皆有之，人至愚至贱，莫不各有耻之心，耻莫耻于罔修品德，废除彝伦，夫妻反目，兄弟阅墙，父子弗亲，朋友不信，长幼失序，人苟有耻，则虽可为之事，不敢偶尔蹈之，此乃天赋之性，隐于中，发于不觉也。古之义士，素位而行，随缘自重。

嗟夫末俗，鲜耻寡廉，女不耻其卖节，男不耻其失和，士子不耻其丧德，缙绅不耻其臭名，官吏不耻其贪污，商人不耻其昧良，不知守耻，有乖天律，罪属难容也。

诗曰：定慧修为作佛仙。回春枯木绿安然。

能知精进无平息。自可乐道德益绵。

圣示：吾以「涅槃定慧好修为」为题，供地方善信贤德参悟之。

## 涅槃定慧好修为

长生不老之法，枯木回春之功，虽三宝守而不泄，尤要启悟玄关，妙运通灵，此窍在儒得之成圣，在释得之成佛，在道得之成仙，所以在此三期，是道当进，黽勉勤修，以冀道成。披阅祖镜之炼丹，与坐禅妙谛，在儒谓之无极，在道谓之丹成，在佛谓之涅槃。

盘，理虽异，义则一，俱从定慧中来，定是体，慧是用，体用并行，从定生慧，由慧归定，如水与波，如风与云，故悟道之人，行住坐卧，俱与道相应，道不可须臾离也，可离非道也，道执厥中之后，尔后不流于伪妄，而后不参于二三，由气质秉彝之性，一物不杂，万理中涵，自无眼、耳、鼻、舌、心、意、色、声、香味、触法等情相缚，则微乎其微，神乎其神，如太极之理，合乎九五之数，与夫元、亨、利、贞、春、夏、秋、冬之浑全，如此阳丹出鼎，何难吞服。

诗曰：三教虽分理一同。齐归圣境道相通。

能知了悟无心碍。自可安修造化功。

圣示：吾以「三教一理论」，供地方善信贤德参悟之。

### 三教一理论

周孔六经之训，忠孝履其端，老子上篇之言，瞿昙王藏之文，慈悲为其人，事迹虽异，理数不殊，皆可崇可慕者也。

儒以正设教，道以尊设教，佛以大设教。观其好生恶杀，则同一仁也；视人犹己，则同一公也；惩忿窒欲，禁过防非，则同一修持也。若以佛治心，以道治身，以儒治世，则无美不尽矣。佛言诸经，与圣人同，其性则广，为有道德之人，能同诚其心，同斋戒其身，同推德于人，则可以福世人，可以资其国，若世人自悟圣人之理，天下无不自安矣。

今人不能豁通此义，人各异心，心各异见，且有慕道之人，为佛不如道之尊，向佛者，谓道不如佛之大，而儒者，又兼辟二氏以为异端，怀挟私心，纷争角胜，而不相下，殊不知三教之论，理同一贯，得其平而已矣，能得其平，则外略形迹虽异，内证性理具同，均归于善也。

夫佛之道，与王道合，王道者皇极也，皇极者中道之谓也。佛之道，不偏不邪，道之教，使人弃华而就实，背偏而归正，其宜相同，由自方行而造于安，由自利而至于彼，其为生民之所依归者，无不加矣。有人曰：释有上达而无下学。何不思佛之六波罗蜜，由禅定而至彼岸，岂非下学上达之旨乎？谓有天下无二道，空人无二心。盖道也者，是先天地而生，亘古今而常存，圣人得道之真，以治身者也，进而治天下国家，岂不大哉。

今之人，以佛由印度传来，任意诋毁，有者拟将寺院改为学校，逐僧人之举，诚谓荒谬之至。夫圣人或生中国，或生西方，或生东夷，或生各地，其得道之真，皆符合相契，同流其贯，未见有异，俱以治身治心治世之道也。各专其学，各有其长，虽有不合之处，实缺其一不可也。

诗曰：浩然正气可参天。义德宏伟道益坚。

诚恳为人无执碍。玄机妙理必相连。

圣示：吾「论义」以悟之。

## 论 义

义出于天，是故大义可以参天，人能作事合乎天理，顺乎人情，而无所违谬，此乃义方之道也。

父教子以正，戒勿骄奢淫逸，免生败行，是为义方。母虽爱子，不以姑息，养成不肖；后母平心，不虐前母儿女，是谓父母之义。慈者如是，子当养亲尽力，顺父母以孝；送终尽哀，追悼尽诚，是谓天经地义。或有生身亲亡，受人抚养，而长大报恩，是谓义子。

内节房欲，外禁宿娼，教妻子孝顺父母，和睦妯娌姑嫂，惜福勤俭，学习礼德，是谓义夫。勤劳女工，整洁家务，劝夫节欲、禁酒忍气，以促其身；戒奢除荡，以成其家；行善积德，以昌其后；闺门贞静自守，不怀憾心腹，不诽夫父母，不起妒念，不纒问丈夫兄弟，存私见薄待，不谈论妯娌姑嫂长短，不播弄邻居戚舍之是非；偶与夫家嫌隙，不唆动外家唇舌，致伤戚好，或夫有是非，暗出资消解，并能惠恤邻里贫困，虽老犹事女工，时顾后辈，训人以德，时述公德婆贤，是谓义妇。夫故守节，能抚孤成立，或抚继全夫家宗祧，不以财谷私肥外家，克保夫产，是谓义孀。

兄弟雍睦，务择极公正廉明者，主理家政，复择立帮理，戒用乖张之妇女揽事，法可数代同居，是谓义门。兄弟折居，不计分多润寡，厚惠诸侄，是谓轻财重义。

交淡如水，勿起势力，义善助成，有过规改，生死相顾，患难相扶，是谓义友。

念系至戚，或周其困乏，或助其生理，或维持其孤寡，或规以

正理，是谓义亲。

邻居敦祖父旧好，通庆吊，济有无，敬老慈功，常讲孝悌，研究农事之法，夜有盗贼共警，窝户共禁，俗朴风淳，是谓义里。

读书之人，宜端品行，戒谈闺丑，不造作淫词，不描写淫书，不作荒唐小说，不代人写离婚书，不嫖赌，不挺刀笔而损阴德，以圣贤为师，伦常为经籍，道德为文章，修天爵为功名，是谓义士。

贸易斗秤，尺度公平，童叟无欺，百货无假，药材为性命所关，不使伪药，是谓义商。

富贵之人，好施救苦，不自夸恩，不望来报，不图名利，视为有钱人分内应为之事，钱谷借贷，遇贫不能偿者，焚其逋券，是谓义富。

善事经理，公务矢慎矢廉，察明利弊，大小济度，妥善安排，绝不轻忽，是谓义举。

不义之人，伦常乖戾，举动荒谬，视钱财如性命，恶义举如寇仇，但图目前荣耀，不顾道德修持，所行非义，及至身死，行假孝道，请僧道诵经礼忏，作为功德，望超升天堂，焉能得乎？经忏教人修德，人已不修道德，延人口诵，能得超生，即富人不死矣，他人饮食，焉能饱我之腹？奉劝世人，存圣贤克己之心，体天地好生之德，以义为本，见义勇为，入义路礼门，充义气，作义人，以自修自度而能自得自超，是为真义。

偈曰：义宰神明万事宜。善超恶堕理无欺。

天堂地狱凭功德。不在道僧忏悔移。

诗曰：道心修炼动明中。夕惕朝干不妄空。

若得阴阳真要义。安禅妙理法生聪。

圣示：吾以「修道关心动静时」为题，供地方善信贤德参悟之。

## 修道关心动静时

所谓坤至柔而动也，刚至静而德方，后得主而有常，含万物而化光，坤道其顺乎，承天而时行，寻得主人之后，则真常者可以明矣。

三千六百左道旁门，不得相侵，但修道者，不必避世出俗，须要朝干夕惕，用心考证，抛弃一切妄念、一切幻想，使道心空空洞洞，从阴阳九五炉中锻炼得真，方称九转妙丹，是故有无量道生无量法。真常可以应物，譬如道明人得法，应物若得不迷；譬如明道法随人，如此既有无量道，应明无尽道，不外坐禅妙理，能参无极，主一成真也。故曰：人能通一窍，虽其死其寿则神，炼道者，可以行天地之玄功，验阴阳之旋转，察清浊之浮结，审动静之隐微，然后识得天地阴阳清浊动静之理，可夺天机造化之力。

诗曰：八邪克破性机明。道德阴阳造化生。

功就玄珠终可得。鸿蒙无有又无名。

圣示：吾以「性命安德以修」为题，供地方善信贤德参悟之。

## 性命安德以修

修道之士，存亡其八，说明邪是淫于色也，说听邪是淫于声也，说仁邪是乱于德也，说义邪是悖于理也，说礼邪是相于技也，

说乐邪是相于淫也，说圣邪是相于艺也，说知邪是相于疵也。

夫不安性命，何德可修？人生泰初，无有无名，万物始化，一炁鸿蒙。原于天者，则为性道；得于己者，则为妙德；形存性命亦存，道生阴阳亦生；形不外乎道，德不外乎性。故心不蔽忧乐，至德也；神不着虚妄，至静也；性不贪嗜欲，至灵也；气不染好憎，至平也。能行四义则通神明，离道不远，升堂入室，是以修炼玄功，欲结大丹者，性必空洞，心必虚无，玄珠不可以智知，不可以明察，不可以言诠。象则非无，罔则非有，非有非无，不皦不昧，玄珠终而可得也。

诗曰：入鸾修道志当先。圣训不违是必然。

世事纷纷知满足。青山云碧月于天。

圣示：吾以「论修道」为题，供地方善信贤德参悟之。

## 论修道

鸾堂自古而今，乃是儒门修道之处所，昔时拜入鸾下为门徒者一朴实，敦守礼仪规矩，凛遵圣训，守八德，重五常，师兄弟、朋友、夫妇、父子之间，莫不遵守礼教，然后家齐，而学道焉。

鉴今下古之时，道德废，五常焚，无礼义，无廉耻，虽皈依五圣门下，全无修养性命之功，洞彻玄机之学，悬羊头而卖狗肉，斩狗尾而假麀身，日则谈玄说道，夜则问柳寻花，自欺欺人，不知反省，吾今欲劝修道者，先把四相俱了，五蕴皆空，不受名

利恩爱所缚，脱出酒、色、财、气所缠，亲师重益友，弃奸朋，绝恶侣，一心清静，万缘俱绝，朝则诵经，夜则参禅，或宣讲以劝人，或方便以利众，无分畛域，大观自在，逢仙圣降造经文时，当献身效劳，敦积功勋，日积月累，道渐有成，特降此篇修道之论，期与共勉。

诗曰：太极玄微变化多。进阳之火集新罗。

退阴符法和制汞。性命炼机乐可歌。

圣示：吾以「太极玄微能变化」为题，供地方善信贤德参悟之。

## 太极玄微能变化

清静经云：朝进阳火，暮退阴符，此何解说？即朝屯暮蒙之法，和抽铅制汞之功。朝屯者，进阳之火；暮蒙者，退阴之符；抽铅者，配坎之水；制汞者，旋离之火。炼到当阳则进阳，当阴则进阴，属坎则配坎，属离则配离，然后内观其心，心无其心，外观其形，形无其形，阴阳旋转，坎离调配，则造化玄机在乎杳冥之中，变化威力，丹信药苗温暖而生，乃成宝丹，炼丹渠造，絪縕化醇之理，原于太极之微，秘之，为声臭所不居，与阴阳相协，散为万殊，合为一本，放之弥纶六合，敛之，不外一心，故易云：大道与天地合其德，与日月合其明，与四时合其序，与鬼神合其吉凶，先天而天弗违，后天而奉天时，天且弗违，而况于人乎，况于神鬼乎，炼道之人，须悟妙理，以参其极。偈曰：一看破浮生早悟空，太阳隐在明月中，时人知得无为理，方夺玄机造化功。

诗曰：圣果造成可上天。勤修道法是当然。

金丹炼就堪为志。绝不退心力益坚。

圣示：吾以「修成圣果登上天」为题，供地方善信贤德参悟之。

## 修成圣果登上天

上德者，以道全角；下德者，以术延命。当今之世，道德衰微，几人炼道而上天梯？哪个修真而登宝地？吾劝末流欲修金丹者，速当脚踏实地，删繁就简，信心坚强，不生疑惑，从有而化为无，从无而生为有，逐步精进，依入世之法，而参出世之功，始终无难矣。

人身宛如小天地，自有乾坤开辟苞符以来，这个圆满宝物不可空手而回，古经云：「知得一，万事毕。」此语可了千经万典，如若一味迂执偏见，不知大道无形，旋转阴阳之理，每多求奇好异，常以无奇无异而弃之，殊不知坐禅之道，看之平凡而实学之无涯，非浅尝者所可造，非盲炼者所可几，深愿下界众生，依法勤修，有为无为，了命了性，堪作后学求道之模范也。

诗曰：太和真理自生明。配合阴阳得圣灵。

道气安清堪造化。金丹炼就定康亨。

圣示：吾阐述「太和配合阴阳理」，供地方善信贤德参悟之。

## 太和配合阴阳理

太和之气，种于干父，震为长男，生自坤母，出日入月，辟门

阖户，掌握阴阳，为道根祖，人若遇之，寿延万古，丹结圣胎，真种到手，谓之九转还丹，又谓之七返还丹，此丹要受先天虚灵之真火，和虚空天然之真水，调剂合成，乃是一个宝贝之真物，得之延年益寿，成道归真，在还丹之时，配合坎离，要伏虎降龙妙诀，還元返本玄机，以无为为静，有为为动，以神为清阳之体，以刚为至柔之根，人居半阴半阳之地，半仙半鬼之天，故二六时中，水火得制，不使间断，汞投于铅顺序，铅投于汞不乖，和合四相，攒簇五行，虚灵不昧，大观自在，性与天道，领略寸衷，奉劝世人，休错认心，朝进阳火，暮退阴符，参透此法，庶几道成。

诗曰：天文地理悟方圆。定位高卑有后先。

动静四时知守一。太和体用在心玄。

圣示：吾以「太和体用悟理」，供地方善信贤德参悟之。

## 太和体用悟理

三极彝道，训深稽古，致化归一体用，分教斯五性宗，刚柔以立本，变通以趋时，天地为大炉，造物为大治，然象天地、效鬼神，参物序、制人纪，洞彻性灵之妙奥，幽赞道德之隐微，玄黄色杂，远观丽天之文，方圆体分俯察理地之象，高卑定位，两仪始生，故坐禅妙谛，守之以一，养之以和，玄德深远，同乎大顺，内修其本，外不饰其末，参造化而和阴阳，节四时而调五行，人生而静，天之性也，感而后动，性之害也。然呼吸吐纳，服食养身，形神相亲，表里俱济，诚性命之理，因辅养以通也。世人修炼，多是

喜怒悖其正气，思虑销其精神，声色是耽，名利是着，饮食不节，蒸性染身，皆不悟无为自得，体妙心玄，为宗旨体用，为返本还原，若怒气以侵性，哀怨以伤身，丹道之功，终难成就。

诗曰：醒心学道向前行。坚定不移志不更。

立德存心期劝化。安身造命见光荣。

圣示：吾阐述「醒心学道不倦」供参研。

## 醒心学道不倦

学道之士能绝有无之念，能蕴虚寂之心，亦至难也。因忌人之有，病己之无，则伎心生焉；因愧己之无，艳人之有，则求心生焉。若伎人则无损于人，若求人则何益于己。是故乘人之短，以炫己所有者，非其心也；掩人之长，以擅己所有者，非其心也。

夫理之已得者，则有识；理之未得者，则要学。不敢不尽者，学之境；不与俱尽者，学之心。但学之境与学之心，有以相持于无己，然后其学，为可久也。恭默为思道之资，而思运于虚者，尤必学征诸实，世固有自诩潜心，而返诸圣贤之真修，卒未能身体力行者，则学以浅而不深也，更难登峰造极，学之隐微也，束发之时，最乐读书，而最苦亦读书，何也？学无止境，一旦豁然贯通，天地之蕴藏，返之即在方寸，古今之义理，体之不外性情，善学者，至此只知乐而不知苦也，倦学者，自怠自荒，学问终于寡就，不知名教中有乐地，诗书内有精华，辄生困苦难堪之意，旋作旋辍，学业废于半途，只知苦而不知乐也。惟学之一字，多识亦蓄德之助，蓄

之弥博，学之弥笃，核其生平之力，久久名理知尽也，造化之玄奥，日月之精华，穷神达化，知隐入微，斯真深于学者耳。

诗曰：奉敬祖先礼义存。慎终追远正人伦。

悟知真理堪为范。美好民风自可敦。

圣示：吾以「敬奉祖先」为题，醒示世人。

## 敬奉祖先

现今之世，崇尚文明，祖先不知敬奉，不知饮水思源，慎终追远，良可叹也。

人生斯世，受气于亲，血统一脉，传自先人，追溯高曾，以迄考妣，蛰蛰绳绳，绵绵葛藟，燕翼贻谋，子孙蒙庥，簪纓闾闾，世德作求，祈以先王，修其祖庙，序穆序昭，春秋致孝，陈其宗器，设其裳衣，荐其时食，敬礼弗违，惟兹臣庶，敢缺礼数，触目警心，春雷秋露，崇奉木主，不愆不忘，牺牲酒醴，荐以馨香，先代灵爽，不隔泉壤，子孙敬诚，来格来享，譬之流水，有泉有源，譬之树木，有干有根，倘无先祖，焉得父母，既传双亲，我身始有，哀哉双亲，生我之身，劬劳养育，费尽苦辛，在生缺孝，有亏子道，抱恨终天，恩无由报，一饭一羹，略尽子情，冀游灵贶，默鉴愚诚，生辰忌日，凄惨哀戚，回想音容，增其怵惕，伏腊岁时，弥切哀思，忝开僂见，寤寐通之，仁人孝子，原应如此，追远敬宗，古今一理，奉其祭祀，

继续宗祧，子孙繁衍，门弟崇高，胡今之人，数典忘祖，  
不念先人，忽略轻侮，逢节逢年，歌无蹁跹，祀先祭祖，  
心中漠然，偶或酬应，不诚不敬，视同虚诬，全无至性，  
何不抚哀，祖德宗功，貽留世泽，福及尔躬，如此愤愤，  
空生天地，忘却宗亲，不如畜类，尔祖有灵，痛恨幽冥，  
若敖鬼馁，后代凋零，死坠地狱，雷轰诛戮，不孝之愆，  
罪无从赎，吾今降文，训世敦敦，所望众生，念昔先人。